

wachsen/ also gehet es mit den Leuthen auch/ etliche sterben/ etliche wer-  
den gebohren/ Sprach 40. v. 12. 18. 19.

5. Lasset ewere Lenden vmbgürtet seyn/ vnd ewere Lieder bren-  
nen/ vnd seyd gleich den Menschen/ die auff ihren HERRN warten/ wann  
er auffbrechen wird von der Hochzeit/ auff das wann er kompt vnd ans-  
klopffet/ sie ihm bald auffthun. Selig seynd die Knechte/ die der HERR/  
so er kompt/ wachend findet. Warlich ich sage euch: Er wird sich auff-  
schürken/ vnd wird sie zu Tisch setzen/ vnd für ihnen gehen/ vnd ihnen  
dienen/ vnd so er kompt in der andern Wache/ vnd in der dritten Wache/  
vnd wirds also finden/ selig seynd diese Knechte. Das solt ihr aber wiss-  
sen/ wann ein Haußvatter wist/ zu welcher Stunde der Dieb käme/ so  
wachtet er/ vnd ließ nicht in sein Hauß brechen. Darumb seyd ihr auch  
berent: Dann des Menschen Sohn wird kommen zu der Stunde da ihr  
nicht meynet. Luc. 12. v. 35. 36. 37. 38. 39. 40.

6. Aber hütet euch/ das ewere Herzen nicht beschwäret werden  
mit Fressen vnd Sauffen/ vnd Sorgen der Nahrung/ vnd komme dies-  
ser Tag schnell vber euch. Dann wie ein Fallstrick wird er kommen vber  
alle die auff Erden wohnen/ so seyd nun wacker allezeit vnd betet/ das ihr  
würdig werden möget zu entfliehen diesem allem/ das geschehen soll/ vnd  
zu stehen für des Menschen Sohn/ Luc. 21. v. 34. 35. 36.

7. Vnd da sie hingiengen zu kauffen kam der Bräutigamb/ vnd  
welche berent waren/ giengen mit ime hinein zur Hochzeit/ vnd die Thür  
ward verschlossen. Zuletzt kamen auch die andere Jungfrauen vnd spras-  
chen: HERR/ HERR/ thue vns auf. Er antwortet aber vnd sprach: Warlich  
ich sage euch/ ich kenne ewer nicht/ darumb wachtet/ denn ihr wisset weder  
Tag noch Stund/ in welcher des Menschen Sohn kommen wird.

8. Lasset vns/ als die Kinder Gottes/ Fleiß ankehren/ allen Stolz  
vnd Vbermuth/ auch alle Trägheit vnd Fahrlässigkeit von vns abzule-  
gen/ auff das wir in dem zukünfftigen Kampff ritterlich obsiegen mögen.  
Lasset vns nicht in dem Buss der Sünden liegen bleiben/ noch die Buss  
vnd Bekehrung von Tag zu Tag auffschieben. Dann wir wissen nicht  
zu welcher Zeit/ wir auß dieser Welt abgefördert werden möchten. Ma-  
carius Homil. 4

9. Wirstu